



SOALAN-SOALAN LAZIM (FAQ)

TAJAJAN MATRIKULASI UIS (TMU)

- 1) **Apakah yang dimaksudkan dengan Tajaan Matrikulasi UIS (TMU)?**
TMU merupakan **biasiswa tajaan penuh** oleh Universiti Islam Selangor (UIS).
- 2) **Apakah syarat permohonan TMU?**
 - ✓ Pelajar mestilah telah mendaftar pengajian di peringkat Asasi.
 - ✓ Pelajar mestilah warganegara Malaysia.
 - ✓ Pelajar mestilah berada di semester satu (1) pengajian.
- 3) **Bolehkah pelajar Matrikulasi semester 2 ingin memohon TMU?**
Tidak, kerana permohonan ini hanya dibuka untuk pelajar semester satu (1) sahaja.
- 4) **Adakah tajaan TMU ditaja penuh?**
Ya, pelajar tajaan TMU akan ditaja penuh meliputi **yuran program, yuran penginapan dan elaun sara diri** tertakluk kepada **keputusan peperiksaan semester semasa pelajar (Purata Nilai Gred (PNG))**.
- 5) **Bilakah permohonan TMU dibuka?**
Permohonan TMU dibuka pada setiap sesi untuk pelajar semester satu (1) sahaja bermula hari pendaftaran pelajar dan dibuka selama satu (1) bulan.
- 6) **Bagaimanakah saya ingin mendapatkan semua dokumen permohonan tersebut?**
Kesemua dokumen permohonan boleh di muat turun dari **myPortal pelajar** di bawah **tab BHEP** selepas permohonan TMU dibuka.
- 7) **Apakah dokumen wajib yang diperlukan sewaktu permohonan TMU dibuat?**
Dokumen wajib yang diperlukan ialah:
 - i. Borang Permohonan Tajaan Matrikulasi UIS (TMU) yang lengkap.
 - ii. Dokumen Perjanjian Tajaan Matrikulasi UIS (TMU) yang lengkap.
 - iii. Salinan **Kad Pengenalan Pelajar** yang disahkan.
 - iv. Salinan keputusan peperiksaan **Sijil Pelajaran Malaysia (SPM)** yang disahkan.
 - v. Salinan **Kad Pengenalan Penjamin 1** yang disahkan.

- vi. Salinan **Kad Pengenalan Penjamin 2** yang disahkan.
- vii. Salinan Slip Gaji / Pengesahan Pendapatan **Penjamin 1** yang disahkan.
- viii. Salinan Slip Gaji / Pengesahan Pendapatan **Penjamin 2** yang disahkan.
- ix. Surat **akuan status kebangkrapan** atau cetakan status kebangkrapan di Portal Jabatan Insolvensi Malaysia (**Penjamin 1 dan Penjamin 2**);
- x. Salinan Surat Kelulusan Tawaran Tajaan Matrikulasi UIS (TMU) yang disahkan.
- xi. Salinan **Surat Tawaran Kemasukan Program Matrikulasi UIS** yang disahkan.
- xii. Salinan **Penyata Akaun Bank Islam atau lain-lain bank** atas nama pelajar

8) **Bolehkah jika saya tiada akaun simpanan Bank Islam?**

Boleh, selain Bank Islam juga dibenarkan.

9) **Berapakah jumlah elaun sara diri pelajar TMU?**

Elaun sara diri adalah berjumlah **RM500.00** bagi satu (1) semester.

10) **Bilakah pelajar akan menerima elaun sara diri TMU?**

Pelajar akan menerima elaun sara diri **bermula semester kedua dan semester ketiga** pengajian bergantung kepada keputusan peperiksaan semester semasa pelajar (Purata Nilai Gred (PNG)).

11) **Siapakah yang boleh mengesahkan salinan dokumen?**

Pegawai yang boleh membuat pengesahan Salinan dokumen ialah:

- ✓ Nazir Masjid (tempat tinggal) / Ketua Kampung / Pengerusi JKKK @ JKPP / Penghulu / Pengerusi Penduduk / Jaksa Pendamai / Adun; **atau**
- ✓ Semua pegawai kerajaan Gred 41 dan ke atas / Badan Berkanun Gred 41 dan ke atas atau
- ✓ Pegawai UIS Gred 41 dan ke atas; **atau**
- ✓ Pegawai-pegawai dalam perkhidmatan Perundangan dan Kehakiman seperti Majistret dan peguam.

12) **Siapakah yang boleh jadi Penjamin 1 & 2 saya?**

Penjamin 1 & 2 mestilah terdiri daripada mereka yang mempunyai pertalian darah serta berpendapatan tetap contoh ibu/ayah/bapa saudara/ibu saudara/abang/kakak. Penjamin juga mesti **BERUMUR MELEBIHI 19 Tahun serta WARAS.**

- 13) **Sekiranya ibu/bapa saya tidak bekerja tetapi mempunyai Pencen (Pesara), adakah boleh menjadi Penjamin?**
Boleh, sila kemukakan **lampiran pencen** yang disahkan oleh Nazir Masjid (tempat tinggal) / Ketua Kampung / Pengerusi JKKK @ JKKP/ Penghulu / Pengerusi Penduduk / Jaksa Pendamai / ADUN.
- 14) **Siapakah yang boleh menjadi Saksi bagi permohonan saya?**
Saksi adalah orang yang berkeelayakan sahaja iaitu:
- ✓ Nazir Masjid (tempat tinggal) / Ketua Kampung / Pengerusi JKKK @ JKKP/ Penghulu / Pengerusi Penduduk / Jaksa Pendamai / ADUN;
atau
 - ✓ Semua pegawai-pegawai Kerajaan Gred 41 dan ke atas/ Badan Berkanun Gred 41 dan ke atas **atau**
 - ✓ Pegawai UIS Gred 41 dan ke atas; **atau**
 - ✓ Pegawai-pegawai dalam perkhidmatan Perundangan dan Kehakiman seperti Majistret dan Peguam
- 15) **Bolehkah cop SAKSI hanya mempunyai nama sahaja?**
Tidak, cop saksi perlulah lengkap yang mempunyai butiran Cop Rasmi Jawatan iaitu **NAMA, JAWATAN YANG DISANDANG BESERTA GRED JAWATAN serta NAMA JABATAN/SYARIKAT TEMPAT BEKERJA** sebagai saksi yang menandatangani Perjanjian TMU.
- 16) **Bolehkah cop saksi BAGI PIHAK (b/p)?**
Tidak, cop saksi bagi pihak tidak diterima.
- 17) **Bolehkah saksi menjadi penjamin bagi dokumen perjanjian yang sama?**
Tidak, saksi dan penjamin perlulah **orang yang berbeza** dalam satu perjanjian yang sama.
- 18) **Bolehkah saksi menjadi saksi bagi dokumen perjanjian pelajar yang lain?**
Boleh, saksi boleh menjadi saksi bagi dokumen pelajar yang lain juga.
- 19) **Dimanakah setem hasil boleh didapatkan?**
Setem hasil boleh didapatkan dengan cara permohonan melalui **Sistem STAMPS**. Sijil Setem akan dijana secara elektronik sebagai bukti penyeteman. Sijil Setem ini perlu dikepilkan atau dilekatkan **di muka hadapan Dokumen Perjanjian TMU** bagi membolehkan ianya dianggap telah disetamkan dengan sempurna. Sila layari di pautan berikut bagi proses permohonan setem hasil: <https://stamps.hasil.gov.my/stamps/>

- 20) **Sekiranya saya telah menandatangani Perjanjian TMU, bolehkah saya tidak meneruskan untuk menyambung pengajian ke peringkat Ijazah Sarjana Muda?**
Tidak, kerana pelajar terikat dengan perjanjian TMU iaitu **ikatan wajib** pelajar perlu **menamatkan pengajian di Matrikulasi seterusnya wajib menyambung pengajian ke peringkat Ijazah Sarjana Muda sehingga tamat pengajian.**
- 21) **Apakah kesan sekiranya saya melanggar perjanjian TMU yang telah ditandatangani?**
Pelajar perlu **membayar semua jumlah tajaan yang telah diterima** sepanjang pengajian Matrikulasi **beserta kos gantirugi** berjumlah **RINGGIT MALAYSIA LAPAN RIBU (RM 8,000.00) sahaja.**
- 22) **Apakah yang dimaksudkan dengan kos gantirugi RM 8,000.00?**
Kos gantirugi yang ditetapkan adalah atas kerugian yang dialami oleh UIS bagi tempoh satu tahun pertama yang bersamaan dengan dua semester tempoh pengajian peringkat Ijazah Sarjana Muda bagi seorang pelajar.
- 23) **Bolehkah saya membuat penangguhan untuk mendaftar lewat ke peringkat Ijazah Sarjana Muda setelah tamat pengajian di Matrikulasi?**
Tidak dibenarkan, pelajar perlu mendaftar terus ke peringkat Ijazah Sarjana Muda sejeurus tamat pengajian di Matrikulasi.
- 24) **Adakah TMU ini wajib semua pelajar Matrikulasi mohon?**
Tidak, permohonan TMU ini adalah **pilihan dan tidak wajib** untuk semua pelajar Matrikulasi mohon.

Disediakan oleh,

Seksyen Tajaan & Kebajikan
Bahagian Hal Ehwal Pelajar (BHEP)
Universiti Islam Selangor (UIS)
Bandar Seri Putra, 43000 Kajang, Selangor
Tel: 03-8911 7000 sambungan 1118/1433
E-mel: stk@uis.edu.my

